

নূর আলম | ময়মনসিংহ | 16 May, 2025

নেত্রকোণার দুর্গাপুর উপজেলার সীমান্ত এলাকা থেকে মালিকবিহীন ২৩৮ বোতল ভারতীয় মদ ও একটি নৌকা জব্দ করেছে বর্ডার গার্ড বাংলাদেশ (বিজিবি)। শুক্রবার (১৬ মে) দুপুরে এক প্রেস বিজ্ঞপ্তিতে এ তথ্য জানান ৩১ বিজিবি নেত্রকোণা ব্যাটালিয়নের অধিনায়ক লে. কর্নেল এ এস এম কামরুজ্জামান (পিবিজিএম)।

বিজ্ঞপ্তিতে জানানো হয়, গত বৃহস্পতিবার রাত ১০টার দিকে দুর্গাপুর ইউনিয়নের সোমেশ্বরী নদী এলাকায় অভিযান চালিয়ে এসব মাদক ও নৌকা জব্দ করে বিজিবির সাত সদস্যের একটি বিশেষ টহল দল।

অধিনায়ক আরও জানান, গোপন সংবাদের ভিত্তিতে ভবানীপুর বিওপি'র দায়িত্বপূর্ণ এলাকায় সীমান্ত পিলার ১১৫২/১-এস থেকে আনুমানিক ২০০ গজ বাংলাদেশের ভেতরে অভিযান চালিয়ে এসব মদ জব্দ করা হয়।

জব্দকৃত ভারতীয় মদের বোতল ও নৌকা পরবর্তী আইনি প্রক্রিয়ার জন্য নেত্রকোণা মাদকদ্রব্য নিয়ন্ত্রণ অধিদপ্তরের কাছে হস্তান্তরের প্রক্রিয়া চলছে বলেও জানান তিনি।

বিজিবি জব্দ মাদক

URL: <https://www.timestodaybd.com/mymensingh/2099812561>